

ԵՎՐԱՍԻԱ ՄԻՋԱԶԳԱՅԻՆ ՀԱՄԱԼՍԱՐԱՆԻ ՈՒՍԱՆՈՂԱԿԱՆ ԳԻՏԱԿԱՆ ԸՆԿԵՐՈՒԹՅԱՆ
ԿԱՆՈՆԱԴՐՈՒԹՅՈՒՆ

1. Ընդհանուր դրույթներ

- 1.1. ԵՎՐԱՍԻԱ ՄԻՋԱԶԳԱՅԻՆ ՀԱՄԱԼՍԱՐԱՆԻ (այսուհետ՝ ԵՄՀ) ուսանողական գիտական ընկերությունը (այսուհետ՝ ՈւԳԸ) գիտահետազոտական աշխատանքներին մասնակցելու ցանկություն ունեցող ուսանողների և դասախոսների կամավոր անդամակցության և գործունեության վրա հիմնված ինքնակառավարման ներկայացուցչական մարմին է:
- 1.2. ԵՄՀ ՈւԳԸ-ն իր գործունեությունն իրականացնում է ելնելով ՀՀ Սահմանադրությունից և օրենսդրությունից, միջազգային իրավունքի նորմերից, ԵՄՀ և սույն կանոնադրությունից:
- 1.3. ԵՄՀ ՈւԳԸ-ն ԵՄՀ կառուցվածքային ինքնուրույն ստորաբաժանում է:
- 1.4. ՈւԳԸ-ն սահմանված կարգով կարող է ունենալ կլոր կնիք, անկյունային դրոշմ, պաշտոնաթուղթ:
- 1.5. ՈւԳԸ-ն ԵՄՀ ղեկավարության համաձայնությամբ, գիտական մասի իրազեկությամբ, ելնելով նպատակներից և խնդիրներից, կարող է ինքնուրույն կապեր հաստատել ՀՀ և արտերկրի հասարակական, պետական այլ գիտական կազմակերպությունների հետ:
- 1.6. Ընկերության անվանումը ռուսերեն՝ Студенческое Научное Общество, անգլերեն՝ Student Scientific Society: Իսկ կարճ անվանումները՝ հայերեն՝ ՈւԳԸ, ռուսերեն՝ СНО, անգլերեն՝ SSS:
- 1.7. ԵՄՀ ՈւԳԸ-ի հասցեն է՝ Հայաստանի Հանրապետություն, ք. Երևան, Ազատության 24 թիվ 2, Եվրասիա միջազգային համալսարան:

2. Ընկերության նպատակն ու խնդիրները

- 2.1. ՈւԳԸ-ի գործունեության նպատակն է.
 - 2.1.1. զարգացնել ուսանողների գիտական ստեղծագործական ունակությունները, գիտահետազոտական գործունեության հմտությունները,
 - 2.1.2. նպաստել ուսանողների հոգևոր զարգացմանը:
- 2.2. ՈւԳԸ-ի խնդիրներն ու գործունեության ուղիներն են.
 - 2.2.1. կազմակերպել և համադասել ուսանողների գիտական գործունեությունը,
 - 2.2.2. հաստատել և զարգացնել այլ բուհերի ՈւԳԸ-երի, գիտական հիմնարկների հետ համագործակցություն,
 - 2.2.3. նպաստել միջազգային և միջբուհային գիտական կոնֆերանսներին, գիտական համագումարներին ու սեմինարներին ԵՄՀ ուսանողների և երիտասարդ դասախոսների մասնակցությամբ,
 - 2.2.4. հավաքագրել, համակարգել գիտական և գործնական բնույթի նյութեր, այդ թվում նաև համացանցի միջոցով, լուսաբանել ԵՄՀ ՈւԳԸ-ի գործունեությունն ու երիտասարդ հետազոտողների նվաճումները,
 - 2.2.5. կազմակերպել ուսանողական գիտաժողովներ, կոնֆերանսներ, սեմինարներ, գիտահանրամատչելի դասախոսություններ, մասնագիտական օլիմպիադաներ, քաղաքացիական ու հասարակական ուղղվածություն ունեցող միջոցառումներ, համագործակցել ԵՄՀ գիտխորհրդի, ռեկտորատի, դեկանատների, ամբիոնների և լաբորատորիաների հետ, ներգրավել ցածր կուրսի ուսանողներին գիտահետազոտական աշխատանքներում:

3. Ընկերության կառուցվածքը և ղեկավար մարմինները

- 3.1 ՈւԳԸ-ի համագումարը
 - 3.1. Ուսանողական գիտական ընկերության բարձրագույն ղեկավար մարմինը ուսանողական գիտական ընկերության համագումարն է:
 - 3.1.1. ՈւԳԸ համագումարը գումարվում է ոչ պակաս, քան տարին 1 անգամ:
 - 3.1.2. ՈւԳԸ-ի համագումարը
 - ընդունում է ՈւԳԸ կանոնադրությունը,
 - փոփոխություններ և լրացումներ է կատարում ՈւԳԸ կանոնադրության մեջ,
 - մեկ տարի ժամկետով ընտրում է ուսանողական գիտական ընկերության խորհուրդ, գիտական ընկերության նախագահ,
 - լսում և քննարկում է ընկերության նախագահի հաշվետվությունը կատարած աշխատանքների մասին,
 - քննարկում և որոշում է ՈւԳԸ-ի կառուցվածքը և գործունեության կարևորագույն ուղղությունները:
 - 3.1.4. Համագումարը համարվում է իրավագոր ՈւԳԸ անդամների առնվազն 2/3-ի մասնակցության դեպքում: Որոշումներն ընդունվում են ձայների ընդհանուր թվի պարզ մեծամասնությամբ: Արտահերթ համագումար կարող է հրավիրվել ՈւԳԸ խորհրդի պահանջով:
 - 3.2. ՈւԳԸ խորհուրդը
 - 3.2.1. ՈւԳԸ խորհուրդը հանդիսանում է մշտապես գործող մարմին:
 - 3.2.2. ՈւԳԸ խորհուրդը ղեկավարում է ՈւԳԸ գործունեությունը, իրականացնում է ՈւԳԸ ռազմավարությունը:
 - 3.2.3. ՈւԳԸ խորհուրդը
 - հրավիրում է ՈւԳԸ համագումար,
 - միջոցներ է ձեռնարկում ընկերության համագումարի որոշումների իրականացման համար,
 - Համալսարանի գիտական մասի հետ համատեղ կազմակերպում է ՈւԳԸ ֆակուլտետային, բուհական, միջբուհական գիտական կոնֆերանսներ: Լավագույն աշխատանքները ներկայացնում է խրախուսանքի,

- կազմակերպում է կոնֆերանսներին ներկայացված աշխատանքների, թեզիսների տպագրություն,
- փոխադարձ կապեր է ստեղծում այլ բուհերի ՌԻԳԸ-ների, ՀՀ և արտերկրի գիտական հիմնարկների հետ,
- մշակում է ընկերության ընթացիկ և հեռանկարային ծրագրերը,
- հաստատում է իր աշխատակարգը,
- ստեղծում, վերակազմավորում և լուծարում է սույն կանոնադրությամբ չսահմանված ՌԻԳԸ աշխատանքային օղակները, ինչպես նաև հաստատում է նրանց կազմը և աշխատակարգը, ընդ որում նրանց կարող է լիազորել իր իրավասությանը վերաբերվող որոշ հարցերի լուծման իրավունք,
- որոշում է ընդունում շնորհել ընկերության պատվավոր անդամի կոչում և կանոնակարգում է ընկերության անդամությանը վերաբերվող այլ հարցերը,
- քննում և լուծում է ՌԻԳԸ գործունեությանը վերաբերող ցանկացած հարց:

3.2.4. ԵՄՀ ՌԻԳԸ խորհրդի կազմի մեջ ի պաշտոնե մտնում են՝ պրոռեկտորը, ֆակուլտետների ղեկավարները, ՌԻԳԸ նախագահը: Խորհրդի մնացած անդամները ընտրվում են համագումարի կողմից, ընդ որում ՌԻԳԸ խորհուրդը չի կարող ունենալ 9-ից ավելի անդամ:

3.2.5. ՌԻԳԸ գործունեությունը վերահսկում է ԵՄՀ պրոռեկտորը:

3.2.6. ՌԻԳԸ քարտուղարը

- ընտրվում է ՌԻԳԸ խորհրդի կողմից:
- լրացնում և պահպանում է ՌԻԳԸ խորհրդի նիստերի և ՌԻԳԸ միջոցառումների արձանագրությունները, ՌԻԳԸ փաստաթղթերը,
- գրանցում է ՌԻԳԸ նոր անդամներին:

3.2.7. ՌԻԳԸ խորհրդի նիստերը հրավիրվում են առնվազն երկու ամիսը մեկ անգամ: ՌԻԳԸ խորհրդի նիստը համարվում է իրավազոր, եթե նրան մասնակցում են անդամների ընդհանուր թվի ավելի քան 2/3-ը, իսկ որոշումները ընդունվում են մասնակիցների ընդհանուր թվի պարզ մեծամասնությամբ: ՌԻԳԸ խորհրդի լրացուցիչ նիստերը կարող են հրավիրվել խորհրդի անդամների 1/3 պահանջով:

3.2.8. ՌԻԳԸ-ի բոլոր ղեկավար մարմիններն իրենց լիազորություններից (կանոնադրությամբ նախատեսված) դուրս իրավունք չունեն իրականացնել ընկերության հետ առընչություն ունեցող այլ գործունեություն:

4. ԵՄՀ ՌԻԳԸ անդամները

4.1. ԵՄՀ-ի ՌԻԳԸ-ի նիստերն անցկացվում են յուրաքանչյուր ամսվա վերջին ուրբաթ օրը:

4.2. ՌԻԳԸ-ին կարող է անդամակցել.

- 17 տարին լրացած,
- առկա ուսուցմամբ սովորող,
- 4 միջին գնահատական ունեցող յուրաքանչյուր ուսանող:

4.3. ՌԻԳԸ-ի կազմից ինքնական դուրս գալու համար ներկայացվում է գրավոր դիմում քարտուղարին՝ ՌԻԳԸ-ի նախագահի անունով:

4.4. ՌԻԳԸ-ի կազմից հեռացումը ներառում է հետևյալ գործընթացը.

ա/ բանավոր նկատողություն քարտուղարի կողմից,

բ/ 3 գրավոր նախազգուշացում՝ ՌԻԳԸ-ի նախագահի ստորագրությամբ,

գ/ ՌԻԳԸ-ի հերթական նիստում տվյալ անդամի հեռացման հարցի քննարկումը և ներկաների ընդհանուր թվի 2/3-ի համաձայնությամբ վերջինիս հեռացումը:

4.5. ՌԻԳԸ-ի անդամը պարտավոր է.

- պատշաճ կատարել իրեն հանձնարարված աշխատանքը,
- ակտիվ մասնակցել և աջակցել ՌԻԳԸ-ի աշխատանքներին,
- հաճախել բոլոր նիստերին ճիշտ ժամանակին:

4. Ընկերության միջոցները և դրանց օգտագործման կարգը

4.1. ՌԻԳԸ-ի միջոցները գոյանում են ԵՄՀ բյուջեից կատարվող մասհանումներից, հովանավորների կողմից կատարվող հատկացումներից, ԵՄՀ օրենսդրությամբ և ՀՀ օրենսդրությամբ չարգելված այլ աղբյուրներից:

4.2. ՌԻԳԸ անվճար, համաձայն սահմանված կարգի, օգտվում է ԵՄՀ տարածքային, գույքային, տեխնիկական և այլ միջոցներից:

4.3. ՌԻԳԸ-ի միջոցները օգտագործվում են կանոնադրական նպատակների և խնդիրների իրականացման համար:

5. Ընկերության գործունեության դադարեցման կարգը

5.1. ՌԻԳԸ գործունեությունը դադարեցվում է համագումարի որոշմամբ՝ ձայների ընդհանուր թվի 2/3 կողմ քվեարկելու դեպքում, ԵՄՀ գիտական խորհրդի որոշմամբ կամ ՀՀ օրենսդրությամբ սահմանված կարգով:

5.2. ՌԻԳԸ-ի լուծարումից հետո նրա ամբողջ գույքը և այլ միջոցները պատկանում են ԵՄՀ-ին:

6. Անցումային դրույթներ

6.1. Սույն կանոնադրությունը ուժի մեջ է մտնում ԵՄՀ գիտխորհրդի և ղեկավարի հաստատումից հետո:

6.2. ՌԻԳԸ կանոնադրության ընդունումից հետո կանոնադրությանը համապատասխան, անց են կացվում ընտրություններ: